







龍

紅雪廬原本

雪中人

癸亥柘湖莫襄

莫襄

雪中人填詞自序

史官

癸巳臘日。與錢百泉。孝廉圍爐飲。護春堂中。檐雪如毳。百泉偶舉鐵丐事。談笑甚樂。俛予填新詞。寫其狀。百泉既去。除夜兀坐。意有所觸。遂構局成篇。竟夕成一首。天已達曙。人事雜遝。小暇卽書之。越八日而稿脫矣。嗚呼。一取與求。索間皆丐也。得其所與者。輒忘其丐。丐其所與者。旋爭艷其得丐也。與也得也。有相圓而見相腴以成者焉。蓬垢藍纓。特丐之外著者耳。然丐而能鐵。較之韋而丐者。不差勝乎。於是作鐵丐傳。使凡丐者以鐵自勉焉。雪且失其寒也。



已清容居士書



雪中人

泰安李士珠寶巖正譜

鉛山蔣士銓清容填詞

秀水錢世錫百泉評點

提綱

此睡難覺

西江月酒肉堆中打盹。笙歌隊裏酣眠。雪中臥者臉朝天。欲把陽春睡轉。乞丐醉辭湖寺。將軍笑倚樓船。羅浮開合好雲煙。一對郎君俊眼。

第一齣

弄香

着眼驚心躑  
躑局外

數語括盡啟  
禎時局

場中挂釀春園匾額列南呂一剪梅賊滿中原戰鼓搗愁

裏人家夢裏人家悠悠忽忽度年華詩是生涯酒是生涯

一領青袍報國難不如高卧且加餐英雄監子都無用

莫怪書生白眼看卑人查培繼表字伊璜浙西海寧人

也稱心文字幸中鄉科聒耳兵戈怕登甲第年來流寇

鳴張飢民魚爛守一城即獻一城拜一相又換一相醫

多藥雜脉亂病深算來不過這條擔兒肩者自肩卸者

自卸望去可惜恁般架子挽者共挽推者共推咳養士

猶說洪武年間用人竟到崇禎時候為此卑人絕意功



鉅萬幕府園中有英石峯高二丈許查酷愛之題曰絢雲  
閣旬往視忽失此石則已命巨艦由海運送達海寧矣查  
夫人妙解音律爲孝廉市麗人十二教之歌舞浙中論聲  
伎之盛者咸以查氏女樂爲名部云

雪中傳奇目錄

第一齣

弄香

第二齣

眠雪

第三齣

角酒

第四齣

占茶

第五齣

聯獅

第六齣

放鶴

第七齣

請纓

第八齣

飛綈



第九齣

挂弓

第十齣

傳檄

第十一齣

脫網

第十二齣

營巢

第十三齣

賞石

第十四齣

移雲

第十五齣

花交

第十六齣

蝶聚



鐵丐傳

鐵丐姓吳名六奇。觀察道夫之孫也。世居潮州。六奇生具  
勇力。畧涉書史。好飲博。蕩產結交。多無賴子弟。明末大亂。  
六奇寄身郵卒。於關河險隘。輒心識之。旣而捨去。行乞吳  
越間。每僵臥雪中。以杖畫字作判牒狀。無寒餓之色。人皆  
稱爲鐵丐。海寧孝廉查培。繼字伊璜。性通脫。才華豐艷。目  
空流俗。歲暮苦雪。獨酌懣甚。步至門。見丐。心異之。呼入。飲  
以酒。丐立盡數觥。查益喜。乃發醕對飲。丐盡三十餘盃。查  
解衣贈之。去。明年查遊武林。遇丐於放鶴亭。袒跣如昔。問

所贈衣曰春暮無用此已付酒家矣查奇其言問讀書識  
字否曰不爾何巧查心動熏沐而衣履之叩姓氏里居復  
痛飲日夕歷月餘贈貲斧遣歸會兩粵寇氛爭熾南征之  
師相望於道六奇於途次投見帥幕備陳嶺外形勢傳檄  
可定並請假游劄三十道招徠其黨踰月兩廣悉平六奇  
由此任征討屢立奇功官至水陸提督先是湖州富人莊  
廷鉞結三吳名士修飾朱相國史檄一書以培繼名重借  
刊叅校姓氏中未幾禍發查亦在所逮六奇力爲奏辯得  
免乃以數千金存問其家迎查至粵由是義取之資不下

名放情詩酒哭一場笑一場得一日過一日却喜孺人

幽嫺典雅燕婉風流善守齏鹽妙通音律童兒今日治

酒釀春園內玩賞梅花可曾完備丑完備多時了生如

此請孺人出來丑孺人有請旦引二婢執洞簫檀板隨

上

前引合蒂同心一種花珠作根芽玉作根芽可人夫婿似

秦嘉風也憐他月也憐他

官人生娘子殘臘待終早春將至梅魂欲醒芳信已傳

和你向小園消遣如何旦如此甚好官人日來張李二

比肩人小照  
活現



八字橫而婉

桃源圖中無  
此冷艷

賊○信○息○若○何○生○非○我○所○知○勿○煩○卿○問○携○手○緩○行○介○合

過繡帶宜春香肩並織織共把低回一對寒鴉天成就借

老夫妻山圍住避世人家婢雪徑泥融孺人看仔細低亞

讓斜枝纔側過金釵循仄徑又霑將羅襪生妙阿人得園

來你看冰雪交柯水玉一色凍雨晚濕宿露朝滋非默非

言如笑如怒所謂獨步早春自全其天者我和你正自不

凡也合真個霓旌並擁素鸞同跨

丑設席花下介請官人娘子小酌旦把盞生辭介生

醉太師歡洽雙擎翠斝正玻璃紅沁珍珠香醪旦俛他伴

此人無那

淹潤生香

咱幸今生修到梅花。古人云不有佳作何申雅懷。乞君將

今日花前情事新製一曲妾當譜入管絃以寫一時清咏。

生使得取紙筆來。丑送筆硯生寫介尖叉舍宮嚮徵隨意

灑淋漓處醉墨翻鴉娘子請教。旦是真絕妙好詞也。把筆

製譜介。生還借你檀痕細掐片時間看鳥闌纔就按紅牙。

旦譜成矣。取洞簫來。小鬟你可依腔細度待我倚聲相

和。將檀板送與官人去。婢執譜坐花根唱介。

宜春樂香成國月放華似相逢。羅浮趙家啁啾翠羽學桐  
花小鳳釵頭挂唱六么紅雪林間交三九玉梅枝下調羹。

微詞

笑煞問百花頭上甚的年華。生哭介。旦。呀。官人爲何傷感。

生。我想唐時宰相宋璟年二十五歲應舉不第。見官舍梅花歎其托根非所。以爲衆草雜。還蕪沒荆榛。感而作賦。我查伊璜生不逢時。沉淪亂世。何以別乎。

學士解醒。獨立孤芳。難自達。撐持空自槎牙。旦。官人你既

賈生痛哭屈  
子離憂如是  
如是

卿恐人非達  
人乃有此語

泉石膏有煙霞痼疾。這些豪傑初心。英雄習氣。都該洗盡。纔是個真正達人。無端客感。何必動心。你既然不貪夜識金銀氣。又何必冷眼旁觀富貴花。生。娘子。我學窮萬卷。年甫三旬。本懷經世之心。豈有入林之癖。無奈衣冠掃地。盜

難為稷契乃  
作巢由

拋空罷三字  
中萬斛熱泪

強作解嘲雖  
花何取

賊薰天上以實求下以虛應是以自棄如此因此上槁木  
形畱身若死。驀忽地鐵石心酸泪似麻。旦拋空罷拚淺斟  
低唱斷送韶華。

生醉倚梅樹介娘子這一株枯梅橫偃雪中真可憐也

旦扶介生

尾聲尋春肉眼都如瞎。咳老梅呵今世今生你共咱。旦相  
公此梅雖然枯偃生氣未衰君不見雪後園林半樹花全

下

第二齣

眼雪



由鉄胎受生  
是金剛變相

淨黑面短髭破帽  
衲衣持杖扮乞上

聚來三十六州鐵打就骨頭三百節

外裹皮膚中貫血不怕炎風不怕雪富貴浮雲爭起滅  
萬鍾何加我豈屑壯心如火向誰熱百鍊之剛不能折  
俺吳六奇嶺南人也先祖道夫公職居觀察世系潮州  
俺自幼兒畧涉詩書性耽盧雉因而家業凋零一身漂  
蕩向年充當驛卒奔走關河那入閩兩廣山川形勝險  
阻之地瞭如指掌俺力能扛鼎氣可擎天思想人生一  
世不做公侯寧爲乞丐若屈抑在卑賤厮養中看人顏  
色喜怒豈是大丈夫行止爲此辭了驛丞官兒信步走

不爲午後

過嶺北遊歷中原。跋涉已遍。日間隨意求食。夜間放脚  
安眠。好不灑落。到這海寧地方。已是冬盡。你看窮陰凝  
閉。密雪亂飄。溫泉盡冰。火井俱滅。好一個清涼潔淨世  
界也呵。

正宮  
過曲

錦纏道戰羣龍。剪殘鱗。逐梨花墮空。天地大包容。把

閨浮茫茫遮。益無踪。則待學避冰山。無言夏蟲。翻做了印

霜泥有跡。秋鴻。我想爲人在世。得一知己。死可不恨。俺吳

六奇。寄身宇內。直恁孤淒也。獨自吊英雄。幾時得。皇天心

動。煎煎熱血湧。算只有剛腸難凍。對殘杯冷炙。氣如虹。下

丑箭衣武士裝上

朱奴插芙蓉。遍尋訪浮萍去蹤。全不見吹簫面孔。俺姓鄔名友。向在潮州賭場。結連好漢三十人。與吳六奇哥哥拜爲兄弟。不想他飄然遠出。衆兄弟欲各據山谿。起兵劫掠。托我往中原探看流賊光景。務必尋見哥哥回去。共圖快活。走遍天涯。聞說這海寧市中有一花子。日日醉臥雪中。因此人皆呼他爲鐵丐。想必是俺六奇哥哥也。聽述形容。吾自懂。料不是王祥冰凍。淨微醉上。心事湧。恨村醪欠濃。略沾唇。幾乎渴煞酒中龍。

各有志節視  
善如茶

丑呀。果然是六奇哥哥。淨兄弟你來此則甚。丑自哥出門後。衆兄弟要搶掠軍馬。嘯聚山林。着我到各省窺探流賊聲勢。尋覓哥哥回去。共圖快活。今幸相逢。就請同走。淨咳。俺若圖那等快活。也不出來求乞了。况先人世受國恩。焉敢爲盜。丑不是這等說。時非太平。理難安分。去年李自成陷了河南。張獻忠陷了襄陽。今年五月張賊又破了廬州。九月李賊又破了開封。汪喬年左良玉這班名將。紛紛潰敗。朝廷所用。不過周延儒之輩。濟得甚事。幸而兩廣尙無人享用。哥如此英雄。若不趁此取

之更待何日。淨。你。我。皆。皇。家。百。姓。縱。飢。寒。而。死。豈。可。效。

彼亂民上干天戮。丑。迂哉濶哉淨。

朱奴剔銀燈。白波賊何曾建功。綠林豪畢竟無終。你回去。

傳語三十家兄弟。叫他頭上巾兒休變紅。刀過處乾坤沒。

縫。丑。哥執意不去。弟有些散碎銀子。畱與哥使用罷。淨。你。

自盤纏。不消投贈。你去向衆兄弟說。若念香火之情。他日。

片紙飛來。切勿違拘。丑。長兄台命。敢不凜遵。小弟就此拜。

別。全拜介。丑。匆匆。竟甘心困窮。是神鬼將伊愚弄。下。

淨。這幾日不曾演習判字。待我在這雪地上試寫一回。

七字威力抵  
一部刑律數  
卷佛經

鼠目寸光所  
見只此



想到此鐵樹  
開花矣

以杖寫地介初一十五行速大笑介妙阿酒湧作勢唱

朱奴兒橫鼓吹八騶導擁排架戟牙旗飛動朱墨淋漓蘸  
得濃判軍書插羽重重如山重看威行令從一箭射天山

中

仰卧介副淨末扮豪家引僕從醉行上末朱門酒肉臭

路有凍死骨副淨紉袴不餓死儒冠多悞身兄我們尋

芳喫酒辛苦回去罷末呀這鐵丐又醉倒在此了小廝

們叫醒他你我賞他幾文錢去罷副淨大謬大謬此輩

乃惡人轉世天叫他受此業報兄若加恩與他就是逆

天了末什麼話。惻隱之心人皆有之。數文之錢何損于我。副淨太謬。大謬博施濟衆。堯舜猶難。今日數文。明日數文。積攢起來。成千累萬。留與子孫過活。一萬年都有飯喫。若說惻隱之心。尤屬迂腐。我小弟伯叔兄弟家。斷炊。要想我一升半合。都不能勾。何況花子。末兄太老筆了。副淨非也。銀錢艱難。你有的時節。與人只怕你到沒的時節。却無人與你哩。緊緊保守。還怕子孫要受窮。豈可撒漫。末如此說。兄的子孫。竟永遠溫飽了。副淨別的信。不過拿不穩。舍子舍孫。是斷斷有飯喫的。末恭。喜。恭。

喜先下副淨這花子將地上寫了多少字跡不敬聖賢  
如此待我踢他兩脚踢淨脚淨抬脚踢倒壓副淨叫介  
咳呀快些來抬腿呀兩雜抬不動驚介阿呀這隻腿竟  
有千斤重莫想動得一分副淨花子老爹花子爺爺饒  
了罷我送你大錢十文淨醒介你是什麼人睡在我的  
腿底下副淨我是酒醉錯步撞了老爹的尊腿就被爺  
爺的貴腿壓住了淨如此不計較你去罷展脚踢滾半  
日副淨起立介好腿法可要錢麼淨怒介好打副淨揖  
介得罪得罪一文不要竟打了一腿好體面好便宜引

獅子吼

不以三公易  
其鉄却說得  
冷雋

苦海茫茫

僕搖擺下淨起坐介則被這狗男女聒煞人也

尾聲聽他爲兒孫守定收錢桶有多少絮絮叨叨賣弄俺

鐵丐若要錢呵只怕這鐵字的官銜要改做銅笑下

### 第三齣 角酒

丑院子持書上修書聘書歎好名請名士自稱著作家

人笑不識字我乃湖州莊員外家院子因家中要修朱

閣老的什麼遺書聘取四方名士入局聞得海寧舉人

查相公才學過人特命我送來書幣敦請前往不免一

路問去正是不惜黃金買心血要圖青簡刻官銜下生

披裘上

北雙調新水令好溪山都被凍雲埋。透簾櫳雪痕猶白。停  
樽難獨飲。掃徑待誰來。我查培繼。你看積雪未消。新寒加  
厲。兀坐空堂。好悶人也。說甚麼瀟灑書齋。我且向前廳門  
外散步一回者。可有個灞橋邊跨驢客。下淨鐵丐空手上  
南仙呂入雙調步步嬌踏碎瓊瑤無聊賴。恥作墮間態。朱  
門九不開。夕膳朝饗。何曾霑漑。俺吳六奇。三日忍飢。一錢  
羞乞。因想古人。尚有絕粒。一旬兩旬的。何足介意。爲此衝  
寒而出。呀。這雪又下得大了。你看這門道中。倒也寬廠。俺

定而後能靜



且在此避一避有何不可。朱履欠安排。比雞鳴狗盜人尤

憊。正中立介生上

北折桂合拂簷楹。鶴羽瑋。霎時間樹變瓊林。庭列瑤階。

見介呀。此何人也。看了他戟挺鬚眉。鶻懸衣袴。鵠立形骸。

我聞街市間。有手不曳杖。口若銜枚。做衣枵腹而無寒餓。

之色。人皆稱爲鉄丐者。是汝耶。淨然生真壯士也。那些兒

黃金減色。多應是寶劍塵埋。壯士能飲乎。淨能生妙阿。請

到後面去。淨不敢生壯士。俺是個本色。迂猷却配你假相。

癡騃。向中堂飲啖縱橫。算前生緣分應該。淨既承官人美

二鬼僕鳥殊  
塗同歸

意敢不勉拓褊衷。追陪雅量生。小厮們走來。副淨小生

上來了。呀。這花子怎麼到廳上來。生不許胡說。快將松

爐內獸炭添滿。取暖酒。巨觥來伺候。副淨哥阿。我們官

人。今日方雅到。個豈有此理的古而怪之者也。了。抬火

盆。取二桌上下斜對陳設酒器。介生汝以觴飲我。以卮

酬。把大杯送過去。副淨輪斟介淨舉杯介謝酒。豪飲介

南江兒水。酒似天河瀉。杯從北斗開放。長鯨吸盡江和海。

生將所有肴饌都送上去。淨風捲殘雲吞來快。生再斟淨

怕流星趕月斟來怠。副淨阿呀。你多大肚皮裝得下去。淨

彌勒腰垂一袋生再取兩瓶肩來副淨可吃得淨好大嚼  
屠門請看軍中樊噲生大笑介壯哉奇人也副淨背介怪  
哉餓鬼也淨一面飲生唱介

北雁兒落帶德勝令浮蛆囊何煩玉碗篩生提肩那用鸞  
刀解渾不似罵座貪杯客果然是封侯食肉才呀俺好似  
看舞劍壯心開俺好似聽潮聲雄心快若不是文舉停杯  
待怎得見廉頗健飯來奇哉抵多少剡溪舟專尋戴豪哉  
羞殺恁太常家但喫齋丑持書上

南僥僥令雪侵衣袂濕風壓帽簷歪一路問來此間是了

有人麼。副淨是誰。丑我是湖州莊府下書人。要見你主人。

的副淨少待。入介啟官人。外面有湖州莊府家人求見。生

着他進來。副淨喚丑入丑查相公在上。小人叩頭。生起來。

你是何人所使。丑小人是湖州莊廷鉞員外差來送書幣。

的延請相公前去主持書局。出金介這是聘儀百金。伏惟

笑納。生管家可曉得所修何書。丑是閣老遺書各史概要。

借你具三長班馬才。生

北收江南。呀魯春秋豈可浪編排。晉陽秋焉敢私登載。管

家這書儀我也不拆開觀看。煩你帶回去。你道我風痺兩

皇天后土實  
聞此言

雪中人

十一

臂不能擡。腐龍門暗病難寧耐。丑我主人慕相公名重一

定要借光的。生禁聲可勸你主人此事不必辦理爲妙。莫

包藏禍胎。莫包藏禍胎。恐他年不但棗梨災。小廝送他出

去。丑呀。如此拒絕。只得回去。好掃興也。下副淨官人修

書是好事。爲何不去。生此乃好名之人。所爲必遭奇禍。

你們那里曉得。再取酒勸壯士十大碗。淨起立背介。這

官人不是書生流輩。可敬可敬。

南園林好他。電巖巖雙眸鏡。指貌堂堂玉山自排。沒半點

儒生情態。副淨請吃大碗。生壯士。俺再陪你十杯。淨飲介。



骯髒出懸河

乾強弩末再全開。神臂力不能衰。生亦飲介乾。

北沽美酒帶太平。合罄平生痛飲懷。罄平生痛飲懷。把鬱

鬱向君開。連乾介乾乾乾。淨亦答乾介生起立醉介我本

是荷鋪劉伶死便埋。甚浮生可愛老居士號乖戾壯士我

醉欲眠矣。哪看天地風雲變態看古今榮華機械。副淨扶

生介夢境中更番驚駭。戲場中更番利害。恁呵眉開眼開。

笑吟吟都無掛碍。呀誰似你做一個清閒乞丐。下小生你

也去罷。副淨持裘上來。官人說你身上寒冷。將此狐裘

贈你。你要不要。淨官人所贈俺怎麼不要。披裘介咳。傾

鐵入治矣

趣極

翻北海千杯酒繫住浮雲一片心。竟下副淨臭賊謝也。  
不謝一聲。竟自去了。哥呀。這是那里晦氣。伏侍了花子。  
一日。小生官人賞識。自然不差的。副淨扯淡收碗進去。  
罷。

南清江引碗和盤精光不用揩。還了酒肉前生債。明日把  
大門緊閉。不要叫他。又走進來。這臭賊今夜必定脹煞了。  
羊從廟裏來。踏爛園中菜。明日門口。若有人問起。只說是  
韓湘子。結交了個李鉄拐。下。

第四齣

占茶

此首離奇班  
駁如捫禹書  
如窺蝕鼎

設高香案掛幔奉一小神甲冑持戟丑法衣  
扮道士冠側插雉尾一根引小旦道童上

晉賢歌鍊成

妖術哄南蠻罵得邪神不耐煩買水靠貪官分賊謝法壇  
最喜婆娘濕又乾俺乃廣東公王廟中一個神總是也俺

省文

這公王神聖最怕咒罵凡有所求只須我百般辱罵便  
卽刻顯靈指示吉凶近日大盜三十家揭竿而起或爲  
山盜或爲海賊到攻圍劫掠之時大屯小駭必來我廟  
中獻茶以占休咎這茶杯內熱氣聚爲波紋珠花沸起  
少頃裂開一條茶路現出刀鎗形像向外則吉向內則  
凶事成之後將所得子女錢財分一半謝我這些強盜

總以捉人爲先。捉得富家男女，名曰沉香。貧者名曰柴賊。勒金取贖。若過期不來贖去，卽將閨女美貌的收爲婢妾。婦人年少的收爲乾濕奶婆。其餘割剝皮肉爲脯。把骨殖拋棄豬圈牛欄內，任憑作踐。小旦師父這些強盜有幾種。丑徒弟我說與你聽。山賊種類最多，在花山的叫東飄子，在鉄山的叫西飄子。錢多智足的叫做老都。他的賊兵不叫做人，叫做馬。每十人爲一錢，百人爲兩。他的頭目叫做花紅，細作叫做亞妹。惟永安部落最凶，共有七十九寨，散布數十州縣。自萬厯年起，到今

接續不斷。小旦海賊呢。丑海賊一半是蛋戶。小旦什麼蛋戶。丑他們本是異類。慣能入水擒捉蛟龍。本名龍戶。又曰懶家。婦女大的叫做魚姊。小的叫做蜆妹。浮家海上。沒有一定巢穴。每十艇爲一艖。十艖爲一朋。小舟叫舢船。大舟叫龍艇。這龍艇長十餘丈。日間埋在泥內。夜間數十人盪槳如飛。殺掠只當兒戲。小旦難道不怕王法的。丑他們水陸連盟。相爲表裏。凡官兵土目皆其黨羽。又將珠貝賄賂有司。聽其出入。若上司利害。則以招撫爲名。其實不過叫撫丁。撫目。演一虛套。受撫之後。便



明日張胆搶劫更甚此乃天意你不聽見北地流賊更  
加凶毒麼閒話少說分付道人們將銅鼓抬出來恐有  
賊頭前來敬神以便行事全下外末扮賊將引隊子捧

茶碗上

雁兒舞蕭養稱王劉香作祖要神喫濃茶現條茶路領都  
孫都子隨老都似一對雙雙雁兒舞

外俺東飄子都總是也末俺西飄子都總是也前者着  
人到海寧尋見吳六奇哥哥要他回來一同起事他却  
執意不肯入夥我們三十家兄弟只得各據永安新會

歸善海豐博羅東莞數十處揭竿爲旗傳籌爲號各立  
大寨于礮頭員墩等山烏禽天字等嶂殺人祭旗打造  
釘鉞狼筈硬弩神鎗遍行殺掠末今欲分兵徃程鄉揭  
陽龍川長樂地方借糧不知休咎爲此煎成濃茶一盞  
去獻公王神聖求他指示散仔們雜有外此處到公王

廟尙有幾里雜就在前面末你們將兵馬札住只用一

人捧茶同往雜得令合領都孫都子隨老都似一對雙

雙雁兒舞下副淨小生繡面袒臂扮蛋人雜漁笠赤脚搖

船捧茶碗疾行上

前腔八字風來鴛鴦蓬鼓要神喫濃茶現條茶路雲棚雀  
室駕飛廬似一對雙雙雁兒舞。

副淨班首坐望斗春堂響振天小生身無破布葉莫上

夢香船副淨俺們蛋戶頭目是也小生俺蛋家向有徐

鄭馬石四大姓海上稱雄官兵難敵近日延請潮州豪  
傑奉爲主帥特遣我等向公王廟獻茶前面是了爾等

將船泊好待俺二人敬神去雲棚雀室駕飛廬似一對

雙雙雁兒舞。

下丑道士上遠遠望見燒香的來了徒弟快些敲動法

器起來。內擊鐘鼓介。外未引卒捧茶上。不用占雞骨何

須驗竹花。副淨小生引卒捧茶上。清廉好神道。但飲一

杯茶。外請了。我們都是祀神的一同進去。見丑介。神總

納福。丑列公到來。外我等虔備濃茶。乞神總獻上。丑使

得獻茶介。列公請通誠徒弟。打起銅鼓來。外未等拜介

合

銷金帳。萑苻頂禮。養賊全憑你。保良民。原未知。一任恁般

愁歎。恁般悲涕。只是粧聾做啞。暗裡周旋。我輩這一盞清

茶。領受非贓賄。神人一般。一般孽孽為利。

二曲乃德政  
碑變調只恐  
當面不好恭  
惟

起介丑列位跼開待我罵他捏訣仗劍舞咒罵介你這  
個賊神道呀

前腔。腌臢可鄙。是個糊塗鬼。手持戈。頭戴盔。爲甚這般懶  
惰。這般聾瞶。紛紛禱告。禱告全然不理。就喫一盞清茶。還  
筭便宜。你昏昏怎生。怎生尸居這位。

淨戴假面武裝執戟怒上舞一回下丑好了罵醒他的  
渴睡了。大家來看茶路。取茶同看介好得緊。這茶路中  
刀鎗密密俱是向外的。恭喜外末副小生喜介多謝美  
罵就此先謝神聖。拜介再謝法師。拜丑介丑此次得利



回來要比平時加厚方妙。衆這個自然告辭了錢沽利。

市酒身佩吉祥刀。射利開銅弩。飄洋仗鐵篙。下丑徒弟。

閉了廟門將銅鼓收進去。

破金歌雌雄鼓。打的做鸛鷺。叫鷓鴣。斑守不住蝦蟆跳。公。

亦是一種成就何必見外

王菩薩太蹊蹺。罵難熬。呸才曉得是一位頑皮賊神道。下。

第五齣

聯獅

場中設神幔。左地上覆中淨末老旦。越調。憶多嬌。司馬遷。一大鐘右設坐具四箇。襍儒扮上。過曲。

班孟堅各自收藏丹與鉛。他為虛名我為錢。擺手搖肩擺。

手搖肩。名士風流自然。

名士通病

巧語句句老  
辣快若風刀

末請了。中淨我輩乃一代名公。同時才子。蒙湖州莊員

外卑禮厚幣。延請到他家去修書。爲此結伴同往。喂列

兄。這是在忠肅公的廟。向來求夢靈驗非常。我輩何不

暫住一宵。各人求他一夢。何如。衆甚好。就此進去。入揖

神介淨持酒肉醉行上枕。麩藉糟三頓飽。幕天席地一

宵眠。入廟放酒肉地下坐。喫介中淨呀。這花子齷齪齷

齷。怎麼來此坐着。淨噯。你坐你的。我坐我的。干你甚事。

中淨阿。喲。好硬呀。淨俺從不會軟的。你要怎麼。末兄不

要保他。我們這邊自坐了。淨自喫介中淨我想干忠肅

斬絕

公當初若與曹吉祥、石亨結交一番，一同建立了奪門的大功，則復辟之後，依然不失富貴，未免見識差了些兒。末此事錯在不該棄了舊君，擁立新主，獨斷獨行，不曾思前想後。假如與曹石後來結交，只怕也遲了。老旦這是陰飴甥現成方兒，不料竟受其害，可見醫士湯頭、兵書古法，俱未可全用。總要看得活相，方才穩當。淨怒擲破碗，衆駭愕。介淨咬，好不耐煩。這等混帳的話，說他則甚。中淨哇，你知道甚麼。我輩文人論斷史事，各出特見，上下千古，你敢來插嘴放肆。可惡。淨俺不曉得甚麼文。

人只不許你說話。末這也奇了你喫你的酒。我說我的話。干你甚事。淨起介俺聽了你們的說話。就厭煩惱躁起來。你們要說。可到別處去說。不許在此胡講。中淨了不得。這廟宇難道是你花子的香火。敢來霸佔。作要打淨衆攔介淨。你要打麼。待俺收了酒肉來。掀鐘藏酒肉。介老旦阿呀。這口大鐘。千把斤重。怎的輕輕掀起來。你這東西。真不是個人了。末俗極俗極。這等蠢才。係他怎麼。老旦我們清談雅興。被他殺了風景。且向五柳居飲酒作樂。明日再來求夢罷。末有理。就此去罷。正是文人

諸君雅號

窃比

以此排遣差  
快人意

借虎影獅借  
匠影鉄

遇見俗子中淨搖扇介恨不將他敲死老旦雅士遇見  
麓人襍只好忍氣吞聲各搖擺下淨目送大笑介這一  
班廢物被我趕去了好不爽快俺想忠肅公一代重臣  
千秋廟食真是一個大丈夫俺吳六奇這般光景怎生  
是了也

仙呂桂枝香英雄貧賤泥塗軒冕苦將這醉夢支吾怎得箇  
風雲排遣也罷待我拜求忠肅公示我一箇夢兆拜介尊  
神在上恨乾坤一箇恨乾坤一箇羅城八面葫蘆幾串若  
六奇日後果然有所成就呵望你示機緣可能殼紅裙夜

識管門虎金甲分司煨匠錢。

倒地臥介儀從引外幞頭白袍花白鬚神裝上

前腔神霄旗箭湖陰臺殿吾神于謙是也生秉剛貞死諡

忠肅適才會議天門旋車享殿呀這是何人鼯臥階下扮

夢神上夢神啟上廟主此乃鐵丐吳六奇在此求夢外原

來是他歎今朝半菽療飢羨他日千夫傳膳夢神他日後

有何好處外爾等那里曉得他將來祿享千鍾勳階一品

福壽綿長兒孫貴顯此時命運未通故爾飢寒交迫是天

公妙權是天公妙權將人磨鍊誰能參辨天機不可泄漏

神則先知



也罷待我叫守門二獅子據其胸腹隱隱許他一品功臣  
 服色便了升座介鬼使將六奇睡魔揭起鬼擒淨跪介六  
 奇當面外拍案介哇大胆賤丐你乃一介小民怎敢妄求  
 非分傳喚守門兩個獅子進來將他壓死者淨叩首介哎  
 呀小人冒犯神威伏望慈悲饒恕外閒說漫糾纏安排腹  
 背遭獅夾打疊頭臚枕劍眠

雜扮二獅子上與淨門淨倒地獅坐背上介淨翻身仰  
 卧又一獅坐胸上介外又出去鬼又淨出跌地外引眾  
 下淨大叫滾地醒介阿呀救人呀丑僧披衣急上是誰

僧語句句愚  
蒙昏如塵鏡  
與前對待亦  
見章法

是誰啐一個花子在此發夢顛。嚇煞我也。淨立呆介。你

是誰。丑啐。你是誰。淨呀。元來做如此一個惡夢。丑。你也

求夢好。沒分曉。我且問你。夢見討了幾碗飯。淨咳。和尚

你怎知我的就裏。丑。你且說說。僭子夢做我不着。替你

圓一圓。淨好。

解三醒正。鼻黝黑甜身倦。丑。夢見僭子人。淨聽喧譁。牙爪

傳宣。丑。神道叫你說些僭子話。淨怒叫。叫罵我卑田賤。丑

罵得不錯。淨登時叫進兩個守門獅子來。金睛閃綠毛拳。

丑。啖兩個獅子做僭。淨只聽得說快將他壓死者。丑怕介。

阿唷淨作勢介則見他口中吐火燒來便掌內拋毬打得  
顛俺鬥他不過被他踢倒一個坐在俺的背上俺儘力翻  
轉身來那一個又來坐在我心口上和尙你可當得起丑  
阿唷這一夾把和尙頭兒的腦漿都濕漉漉夾出來哩淨  
神魂戰料凶多吉少望你聚圓。

丑我圓了一世夢今番被你考倒哩慢些待我想想看  
兩個獅子噫想是你將來要被兩個獅子夾煞之局淨  
這是夢境畢竟神道還有甚隱而不露的意思丑有倦  
隱而不露直頭夾煞了歇作淨咳神道呀

強作解人大  
都如是

棒陽

巧而憤

微妙可奈

前腔

換頭

俺指望斬蛟射虎功名建誰道是粉骨亡軀性命

捐說甚麼將軍羽插天山箭脫不得獅王吼火輪間罷罷

俺去也揭鐘取酒肉介丑僣子這口大鐘你竟弄得他動

完了我們齋菩薩都被你這臘僮物事厭穢了怎好淨笑

介和尚也算俺鐘鳴鼎食還了平生願丑你單喫這肉爲

僣沒有一口飯在裏面淨俺若喫飯還怕你寺壁紗籠要

化日後緣出介咦這門前不是兩個獅子麼哇你在夢中

欺俺太甚待俺提起來摔碎了你這兩個業障罷丑動不

得動不得這是城隍山脚底大財主喜助的淨咳罷罷平

恩怨不過是夢中威力舞爪張拳

下丑這花子好大力氣爲儉不去當兵倒來討飯想來天生是個討飯胚阿彌陀佛下

第六齣

放鶴

生正南普天樂紙鳶飛游絲漾六橋新柳吹晴浪波痕蘸

上官人面桃花簾幌透髻影衣香卑人查培繼爲訪西湖春色

作寓長明寺中小廝老旦扮僕上有生前日買的那兩隻

白鶴好麼老旦好的生今朝風日清美你可挑了鶴籠隨

我到孤山去老旦曉得挑兩鶴籠隨行介生看縱羽烟霄

一幅蘇隄春曉圖

鐵影小現

上。任。他。去。海。濶。天。空。自。來。往。樊。籠。內。不。借。收。養。鶴。呵。我。爲。  
你。依。依。半。晌。戲。青。冥。異。時。休。被。羅。網。

下淨鉄丐袒胸赤足行上

鶯花也而莽  
之云乎

糊塗方得快  
活

北朝天子眼迷奚渺茫。脚蹒跚游蕩。鬧鶯花一片乾坤莽。  
俺吳六奇去冬在海寧。猝遇查君得霑醉飽。信步兒走到  
杭州。又是暮春天氣。你看湖上這些游人。自宋朝一直曹  
曹懂懂。忙忙碌碌。到今日却是快活的糊塗也。受用些笙  
歌酒肉麝蘭香。畫圖裏同生長。怎知那灰土年光殺戮排  
場。宋三宮曾被搶。我想南宋半壁江山。若好好撐持。未必



是烏程宜興  
前輩

就壞無奈幾個小人接踵而起遂至飲馬西湖牽羊北地  
咳好可恨也許閒堂這廂半閒堂那廂兩閒人直接了一  
個秦丞相前面來的好似查官人不免迎上去下生引老

旦挑空籠上

南普天樂兩胎仙參差放九臯鳴翩翩往老旦官人要學

林逋放鶴如今放了出去恐怕他不轉來的了生蠢才誰

要他轉來青天外青天外自在翱翔便梅妻無子何妨淨

上查官人從何處來生呀壯士却在此間看依然骯髒軒

軒一酒狂記得醉中有弊裘相贈今何袒露若此淨時當

鐵影大現

雪中人

卷

春杪何用此裘已質錢付酒家矣。生真奇人也。你可曾讀書識字否。淨不讀書識字。何至便爲乞丐。生呀。絕妙機鋒。誰解當叩端詳。小寓不遠。壯士同我來。淨使得。行介。生壯士請。淨官人請。生壯士是客。淨僭了。入介。生壯士請坐。小廝將早上買的一瓊梨花春煖起來。我與壯士談話。老應下生向來倉卒邂逅。痛飲而別。不曾細問壯士名姓。里居。今須示我。淨俺系出延陵。心儀曲逆。家居粵海。名曰六奇。只以早失父兄。性好飲博。遂致落拓江湖。流轉至此。

奇壯非常

六字感人欲  
死

北朝天子散金銀賭場賣田園醉鄉剛畱得頭顱一注無  
人槍俺想叩門乞食昔賢不免僕何人斯敢以爲汚抵多  
少乞憐昏夜玷冠裳倒不如乞街頭光明樣不意得遇明  
公相賞于風塵之外喜孜孜把酒做飢糧裘做衣裳將一  
個穢形骸關疼癢僕雖非淮陰少年然一飯之惠其敢忘  
乎繡平原敢忘鑄鴟夷敢忘咳待何年手縛降王長生起  
把淨臂介呀吳生乃海內奇傑也我以酒友目吳生失  
吳生矣老持酒上酒有了生快取巨碗來手斟送淨酒

介

問答緊極

不爽者是何物

南普天樂笑談間胸懷曠指揮時風雲壯馳天駟馳天駟  
矢殪封狼響弓絃血飲黃虜方今天下大亂正丈夫立功  
名取富貴之時足下豈無意乎淨俺非惡此而逃之奈行  
李貲裝一無所有將何憑藉生君苟奮發爲雄此何足道  
小厮取衣帽靴襪來老旦取上介生足下勿嫌粗舊就此  
更換起來淨裝束介生是英雄自爽鬚眉浩氣揚請看虎  
頭熊臂真個昂藏小厮取百金來吳兄小弟客囊所帶不  
多以此奉佐舟車之費勿以爲簡淨蒙君厚意至此敢  
不努力以副明公期望收金納懷作勢唱介

十二字是鉄

贊鉄

景壯而悲

點睛結穴

北朝天子買青絲馬韁。赴黃沙戰場。斬樓蘭誰布封侯賞。  
生兄待何往。淨俺得時則爲遇賊便殺。豈有定向生壯哉。  
淨不能殺中原殺賊衛金湯。則索守邊城將身障。生持酒  
介兄立飲此觥。以當祖席。淨接酒介多謝了。趁着這一片  
春光千里錢塘。教流鶯把陽關唱。俺就此拜別者。全拜介  
生賢兄努力。淨官人保重。別河梁這廂。會雲龍那廂。多謝  
你把一隻襍褻病鶴。向孤山放請了。竟下生妙阿。今日放  
了兩隻真鶴。又放了一隻假鶴。正是艷色世所重。西施  
寧久微賤日。豈殊衆貴來。方悟稀下。

第七齣

請纓

旗幟弓刀隊中泣顏回持鉞擁貔貅金印腰懸如斗宣威

子引外行上呂南服重標銅柱炎洲本帥經畧兩廣大將軍是也奉命提

兵剪削嶺南羣寇左右前面什麼地方雜已到梅關了外

趨過嶺去衆應介青山一髮借梅花遮做軍門柳笑當時

陸賈書生問何如馬援通侯前隊喧介啟元帥前面有一

黑漢擋路說要見經畧的外綁過來雜綁淨上外哇本

帥旌旗所指鳥避轅門何物匹夫敢犯吾麾鉞拿去砍

了淨大笑介時無英雄盜賊蠡起元帥口銜天命手握

花營香陣



牙旗憑何方畧能致太平。正當收羅豪傑共圖勲業。而  
乃倨傲如斯切爲不取。外爾有何本領輒敢大言若此。

淨俺學貫六韜謀兼七子。列山河于掌上。不須聚米以

談兵。納戈甲于胸中。或可彈琴而却敵。倘蒙下問願效

前驅。外呀此壯士也。傳令扎住營盤。衆軍暫且休息。衆

吶喊下。外坐下。中軍小生有。外將漢子放了。綁帶來相

見。小生扶淨見淨揖介。外本帥失瞻偉度。幸恕粗豪。敢

問壯士姓名行止。淨俺姓吳名六奇。潮州人氏。

駐馬聽避亂遨遊。似擇木驚禽沒處投。可歎烏啼古樹馬

泣鹽車龍困寒湫外汝既知韜畧且說嶺南賊勢如何勦

滅之方以何爲要淨山賊惟永安新會之盜最强大都阻

峭憑深網絡羣峒與海賊相爲表裏然皆朝廷赤子總因

有司失職民不聊生不得已竊土弄兵及至誅捕無能但

爲苟且招安之計賊以受撫愚有司有司卽以姑息欺朝

廷果得忠誠任事之臣力圖靖亂勦撫兼行諸蠻可傳檄

而定也只要你籌邊人倚望京樓怕沒有屠龍劍出酬恩

手俺有結義兄弟三十人素稱雄武當時勸俺落草俺乃

觀察使之孫不肯作賊想若輩此時當散列溪峒中公若

假我一旅之師游劄三十道先往馳諭散給羣豪必定近  
者迎降遠者響應苟有抗違俺當盡斬渠魁借充羔鴈外  
哎呀不意草莽中有此忠良智勇之士此天賜我飛將軍  
也中軍小生有外速請壯士到後帳更換甲冑出來行禮

小生引淨下外世有奇才幾乎失之交臂俺好喜也不覺  
的笑着吳鉤喜英雄今日來入吾彀淨盔甲上元帥請上

待六奇拜見外不消了淨拜介感公披拂頓令草木知

春外壯我干城已覺旌旗變色中軍取副將旗牌印劍

並空頭劄付三十道過來小生取介外吳將軍本帥權

授你副將之職。你可持此印劍，割付領水陸馬步精兵

三千人，充我前部，建立奇功。淨多謝元帥。外中軍吩咐

拔營。小生大小三軍拔營者。衆上吶喊介。外衆軍聽者。

本帥已拜吳將軍爲副總兵，壯我先鋒督師前進。凡在

戎行，當聽策使，不得有違。衆得令。外就此起馬。衆吶喊

繞場介。合

駐雲飛氣壓兜鍪，名將從來當世有。若遇風雲湊，便得勲

名就愁誰釋。廟堂憂賊來，先走獻誠纍纍。半是黎民首，請

看俺過嶺梅，把白騎收。下

鹽場通弊

免機不爽

第八齣

飛綫

仙呂人  
雙調

沉醉東風

旦上

沒來由羣鴉夜鳴因甚的諸厖吠影

花枝謝夢魂驚猜疑難定奴家連日心驚眼跳夜夢不祥

未知主何休咎今早官人起來拜客去了我且到釀春園

中消遣一回善人家許多餘慶內喧鬧中淨上孺人在那

里阿呀不好了外面有一差官手持令箭帶領多人說奉

撫院衙門來鎖拿官人的旦哎呀這是那里說起你可問

他官人所犯何罪中淨他肯說要官人當面方才取出

牌票來如今在前廳吵鬧呢旦天那我官人閉戶讀書有

何過犯是何罪名。是何案情。這飛來奇禍。教人難遽明。

我們且出去。再作區處。同下。丑差官持令箭。扭末老院。

子襍二人提鎖全上。丑你這老狗才。還不叫出主人來。

却推睡裏夢裏。好生可惡。末我主人一早出門。實是不

在家裏。求爺畧等一會兒。丑呔。好自在性兒。我那有工

夫候着。打末介生上。侵晨莫報當關客。半道初迴訪戴

人入門介呀。你們是何等人在此囉。末官人回來了。

丑你就是查舉人麼。過來。這是都爺牌票。你自看去。出

票介生爲提拿要犯事。照得湖州私史一書。現在書內。



纂修多人，皆爲逆黨，爲此飭仰官役飛赴海寧，將舉人查培繼續拿到案，不得遲延，火速火速呀，這是那里說起。丑手下將他鎖了，襍鎖生介，且奔上，哎呀，官人，這是怎麼說，生娘子，就是昔日湖州莊家聘我修書之事，發覺了，且官人並不會去，如何株連得上，生哎呀，娘子，他竟把我名字刻入纂修之內，如何分辨，抱哭介，丑不必耽閣工夫，快隨我們去罷，生長官，我並不會到過他家，實係無辜，倉猝提拿，此情可憫，望你畧寬片時，待我夫婦說幾句話兒，丑我們那里等得，且脫釧介，官人，這

金釧一雙暫送差官畧寬一刻待收拾行裝再爲酬謝

生交釧丑收介也罷我們還不會喫飯呢未請到西堂

少坐待小人搬取酒飯出來與爺們早膳丑這等你們

快些收拾我們且喫飯去末這里來引衆下且喚官人

我家何至于此生娘子此乃前生冤業無從躲避只索

罷了抱哭介生

嘉慶子他把鏡花水月排名姓一謎的附葛攀蘿認友朋

冤枉煞文章九命我當初對他來人說此事斷不可辦逆

知必有後禍誰知害到我身上來喲恨介咳莊廷鉞呀你

廻映

人皆曰子知

無故想釣高名。無故想盜虛聲。

旦官人呀。

尹合看伊赭衣行徑痛伊銀鐺拴釘念伊圓扉凌併和你

是疼熱夫妻待等你消息歸來決死生

同穴之志死  
生了然

生娘子呀。

品合我向那刀山鐵床。參悟說無生。歎伯勞燕子東西各

能達此旨便  
脫地獄等趣

飛鳴。空花幻影。此時當思省。勸你在交花小樹。打疊蒲團

清淨。切莫要剪紙招魂。引得我鵲血飛來滿院腥。

旦大哭介

雪中人

三

字字血泪點  
點晨鐘

豆葉黃歎人生識字憂患相乘比甚麼愚蠢聰明各帶着  
顛危災肯難期偕老不如耦耕何曾爲語言文字何曾爲  
語言文字官人呀誤你是東風吹去才名

丑引衆上不用流連了隨我去罷中淨挑行李上生日

扯哭介合

呼吸頓挫後  
文一齊挑動  
却不犯手文  
心巧妙異常

川撥棹難分影好夫妻剛半頃且但願你再返園亭小生  
難道我再返園亭料從今家門變更且安得個有心人來  
解鈴生那里有報恩人來解鈴

旦家僮小心服侍官人泪介中淨曉得且扯生哭介

過瀟題雲都

成誠語

虛逗蝶聚無痕

前腔換頭你恁兩盲風怎慣經你羅刹耶又怎共行丑去罷

不要說了。生娘子羨潮陽貶謫尤輕算新州安置尤輕怕

怕羅浮不能合影旦難道向三生石重証盟生那里有三

生石重証盟

抱哭丑扯生出中淨隨下旦跌地婢上扶起介旦天那

尾聲風刀剪斷連枝梗怕沒有竿上天雞筆上蠅咳我只

好做一個蝶送莊周向夢裏行哭下

第九齣 挂弓

吹打開門淨短甲半北正端正好瘴雲飄腥風刮俺向這  
袍引中軍隊子上宮

造語恢奇海

天如畫

海門邊豎起高牙。則待要剪諸蠻。展脚把鯨波跨。用不着

沙場馬。

升坐介。俺吳六奇字鑑伯。號葛如。海陽湯田人也。亂世

勤王擁兵豐政。熙朝挂印開闢。饒平兵統水師營團戰

艦。好不軍容嚴整也。中軍上啟主帥奏凱將官回來。齋

有御賜珍物。已到轅門。淨快排香案迎接。右列案襍武

裝捧衣帶上淨叩頭畢。展玩介。這是玉帶一圍。這是補

服一領。展袍交中軍高提左立介。呀。你看這兩個獅子

繡得如此猙獰。想介。噫。昔年西湖求夢。明明夢見兩獅



出題

慨慷

寫生

與高宋烈

點明

壓俺腹背原來神明指示直恁巧妙也作勢唱介

滾繡球俺記得醉神祠捧一瓢臥風簷遮半衲吼雷霆暗  
嗚叱咤放狡猊跳舞騰拳急得俺猛抬頭去鬥他不隄防  
撲翻身來壓咱掙不轉銅鬚鐵臂抵得過玉爪鋼牙只道  
是蘭膏鼎沸三頭血誰承望藻火衣籠五嶺霞笑引袍花

中軍將這衣帶敬謹捧入後堂去襍捧下淨升坐介傳

兩營將官進見中軍傳介外末戎裝上主帥在上左營

叅將王金右營叅將楊貞稟叅淨本帥昨將游劄三十

道傳諭各峒料他們不敢違抗取令旗介王將軍外有

淨爾可領兵勦滅土寇林叅寰彭仕炳等卽往鎮平梅

州長樂一路破賊安民去外得令下淨取令旗介楊將

軍未有淨爾可領兵勦殺巨寇鍾凌秀葉阿婆等卽順

道破滅九軍亂賊劉公顯不得貽誤未得令下淨卸袍

介眾將擺齊隊伍卽便登舟隨本帥往鷺門南澳銅山

一帶跨海殺賊去者眾得令吶喊上船介淨妙呀你看

洋開五色島列千螺俺吳六奇身倚油幢肘懸金印是

好一個健兒也

丈夫得意時  
應有此態

叨叨令收拾這洞中蛟成一家禁止那海邊禽分三匝俺

待將水精宮圍一道鐵籬笆。試看這彩蒙艫浮萬點金鷺  
鴨。誰說是春風。疑不到天涯。可知道神兵自古橫空下。海  
賊冲上戰敗下。淨大笑介。則將這海鬼頭如砍瓜。則將那  
海鯨船如覆瓦。兀的不笑煞人也。麼哥。兀的不惱煞人也。  
麼哥。把鼉鼉魚鼉。一古腦剝去了遮頭甲。

海賊四面上淨用雙鞭分打下。淨你看前面各島之前。  
分排賊船千百兒。郎們搭上火箭分頭射去。管教一炬  
成功也。衆得令。持弓箭繞場下。淨

倘秀才將柳殺鍋兒放下。將田單牛兒暗打。一霎裏百萬

檣烏變火鴉辨不出龍口艇蚤人家一齊燒殺

四面火起海賊號哭作浮沉繞場下衆將上啟主帥小  
將們縱火焚燒海賊水營二十四寨生擒賊將杜輝吳  
升張堯天等一百八十七人投降兵卒一千三百五十  
四名奪獲賊船七十九號大賊盡平請元帥班師淨大  
笑介好明日計功受賞前面是什麼山衆是筆架山淨  
妙阿分付泊船俺要到山前摩崖紀功同諸將題名去  
衆得令淨持弓上岸行介好一座名山也

脫布衫倚青天削翠槎牙比燕然一般高插甚毛錐敢來

放壓合改喚將軍弓架

立高處拔劍刻石介廣東掛印總兵官吳六奇統領部  
將某某等殺賊到此收劍大笑介衆請元帥將這鐵胎  
弓挂在大樹之上以示諸蠻威勇使他們共樂昇平永  
無反側淨使得挂弓介就此廻舟者

煞果然弓向扶桑挂將折戟都埋海畔沙從此白羽歸壺  
黃肩收靛霜鋒入鞘金瑣藏匣洗兵歌齊打得勝鼓全搥  
破虜艦同划衆將官你道是多謝東風燒赤壁怎知俺每  
依南斗望京華下

王實甫馬東  
籬下拜

第十齣 傳檄

末軍官持令箭引四呂仙盜魁各樣武裝上

八聲甘州 棉鎗血裏引蠻奴解甲

猛士投戈降旗相亞洗兵纔挽天河末自家乃吳將軍麾

下一箇軍官奉將軍命令傳檄永安一帶地方招降各峒

却喜軍符一到諸寨投誠爲此帶領向廣州經畧衙門納

欵去衆位何以向來不服征討今日見了一紙官書便爾

歸順衆俺六奇哥哥仁勇無雙焉敢不服合俺威名不及

老尉佗他神武堪稱小伏波謳歌拜轅門笑舞婆娑

下 小生軍官持令箭引四盜魁各樣武裝上



前腔排梭黃巾與白波。任雨拋青瑣。綠沉苔臥。猙獰巢穴。  
改爲安樂行窩。衆請問軍官。俺們此去。先見吳將軍。還是  
先見經畧。小生吳將軍現在親督水師。搜捕海島。列位到  
廣州自然先謁軍門。衆咳俺們與哥哥別久。偏是急切難  
見。小生聞諸島悉平。班師在卽。列位降書。昨日已飛遞去  
了。鯨鯢海上都就縛。便雉兔田間難避羅。合饒歌唱將軍  
收取山河。

下淨坐船左右搖櫓前設旗鎗挂紅燈後建大旗懸首  
級一串緩行上

玩器大佳

奇景

甘州解醒風平海不波。慶山無豺虎。水絕蛟鼉。樓船高坐。  
把纍纍首級摩挲。俺吳六奇拜官嶺上。殺賊海中。幸喜各  
家兄弟。盡行歸順。昨日接見降書三十道。隨俺牙將同赴  
廣州。謁見大將軍去了。俺連日搜勦蛋賊已淨。趁此海光  
如鏡。月白風清。鼓櫂舉旗回羊城去者。看神燈去來。搖戰  
火照耀的海鏡光明。綴碧羅銀盤潤。讓珠厓一點蕩漾如  
螺。

內鳴報鑼丑乘小舟上報將軍喜信。淨有何喜信丑過  
船叩頭介。恭喜將軍。陞任水陸提督。朝報呈上。淨後艙

酒飯。明日領賞。丑下。淨剪燭看報介。兵部一本爲推陞事。奉旨。吳六奇着陞授水陸提督欽此。起立介。天恩高厚。明日具本題謝去。又坐看介。浙江巡撫一本爲叅奏事。切臣查訪湖州莊廷鉞家私修史概一書。大逆不道。除將首犯按律治罪外。所有書中叅較數十人。據稱皆是三吳名士。現俱按名拿獲定擬。內有海寧查培。極口稱冤。云昔年雖經莊某延聘。當下拒絕。並未拆看來書等語。恐事屬支吾。且無見証。書中現在列伊姓名。似難狡賴。除臣等再將查某研鞫。另疏歸結外。合將全案

定擬情節。先行奏聞。伏乞聖鑒。奉旨。三法司核擬具奏。  
哎呀不好了。莊氏敗亡。果然不出查先生所料。此事是  
我目擊。豈可不救。沉吟介也罷。待俺明日將此事據實  
陳奏保救。卽同謝恩之本。飛馳入告便了。

前腔。文星陷網羅。歎玉石俱焚。崑岡延火。妖書成獄。累他  
蠶室遭磨。張千過來。末上有淨。明日速往杭州。暗暗打聽  
查官人出獄。你便急急挽他上船。一路供應。必須十分豐  
美。途間不可說明底裏。俟到衙門。我自有處。末理會得。淨  
李萬過來。副淨上有淨。明日帶銀三千兩。到海寧送與孺

凡人不死端  
在此心

人家用再覓工匠代查官人改造房屋務須齊整他家若  
問是何人差遣你就說是查官人差來的一味含糊不許  
說破副淨理會得淨迴避了末副淨同下淨拜天介俺吳  
六奇一點至誠望上蒼鑒佑但願天雞叫人離貫索替他  
築一個無是無非自在窩準備着簪重盃醉羅浮花下共

鐵丐顏酖  
下

第十一齣 脫網

丑粉解子上風吹枷鎖滿城香一駭書狀說短長今日  
哀求分皂白當年何苦弄雌黃自家乃湖州一名解子

是也。昨日撫院牌示着將莊廷鉞案內一千人犯今日  
押赴早堂覆審。此刻將打二鼓。不免到茶館內帶領各  
犯向轅門伺候。則箇下末上。

不是路奉令星馳。晝夜奔波到浙西。自家吳將軍帳下張

千俺爺叫來守候。查官人下落爲此在院東金叉袋巷內。  
飯店歇下等了數日。聞撫院今早覆審此案。不免到段河  
頭僱下船隻。俟他出來便好行事。藏頭謎教他歡怵。又驚

疑。下內吹打開門外執手牌上吹帶湖州一案聽審。丑牽

領五六人及生上跪介湖州府人犯告進。內喊介進來。丑

排場簡潔好看



衆下副淨急上方才去解手。不想官人就進去了。作窺探  
怕介爪牙威森羅殿下難迴避。業鏡臺前沒轉移。內刑杖  
號叫副淨戰抖哭介咳。這件事我想起來了。那一日雪天  
好端端拉一箇花子進來喫酒。就是晦氣星進命。隨後莊  
家人來下書。以致生出這場奇禍。若關了大門。那箇下書  
人也不來了。都是鐵丐這臭賊害了我官人。哪難追悔。可  
憐縲紲非其罪。內又刑杖號叫丑牽各犯出繞場。下副淨  
扯丑問介解子哥。我官人爲何不見。丑不見發出來。想是  
打死了。下副淨滾地哭介。呵呀我的官人呵。今番做鬼。昏

臥介生走上好了好了呀這是我的小廝為何倒在地下

小廝副淨醒怕介呀今番見鬼

生怎麼說見鬼副淨方才解子說官人打死了生胡說

今日聽審却是奇怪他們一箇箇都問成死罪獨叫我

上去說你真箇不會拆看聘書比時拒絕來使是實今

奉旨釋放為此開了刑具放我出來不知是何緣故副

淨拭泪笑介真箇如此揖介謝天地這是吉人天相了

末上查官人生你是何人末官人這里來告訴你我奉

主人之命說官人冤枉雖明不可回家且到家爺處暫

消納得法

住幾時爲妙。生你主人是誰。末與爺極相厚的見面便

知生只是我家中不知我的信息。必須寄一家信去方

好。末家爺已另着人到府上說知去了。小人備有盤纏

船隻。官人放心。就請下船。不必遲疑。恐生枝節。生你主

人如此周到。令我感激。何以克當。末快些走罷。副淨待

我下處去。取了行李來。末船在段河頭。快些走來。扶生

下副淨。這是我主人的恩星到了。想是前世結下的。下

末扶生上船家。雜舟子上客人來了。請下船。生登舟介

末官人請坐。我去取茶來。下生看介呀。你看琴書筆硯。

山重水復柳  
暗花明情致  
特妙

茗椀香爐。陳設極其幽雅。榻上錦衾繡褥。羅帳銀鈎。分

明是一箇富豪行徑。我的朋友中。畢竟是誰呀。沉吟介

商調

二郎神難猜擬。這仙舟渾不亞蓮花太乙。莫是襄陽人

姓米蘭橈桂槳。遨遊應號鳴夷。末取茶上查爺請茶。取衣

巾介請換了衣帽。生且住。你主人幾時下船來。末家爺在

家拱候。生這榻爲誰而設。末這是小的伺候查爺的。生這

又奇了。副淨挑行李上。官人在那里。生上船來。副淨好齊

整擺設。生管家畢竟你爺是誰。快說我知道。末查爺平生

好友。想來不多幾箇。爺自尋思。不必細問。一見便知的。生

這也奇絕了。副淨我們在何處下榻。末爺在此現成榻上  
睡。我和你在後艙行李不用打開。一切俱已安置了。下副  
淨。咦。有這等奇事。官人是那一箇朋友。如此用情。生他斷  
不肯說。令我好生疑訝。副淨想來不是害我們的。末送酒  
上。爺飲杯酒。壓壓驚。生管家承你主人盛情。難道叫我糊  
塗領謝。你畢竟說出來爲是。末家爺乃埋名隱姓。一箇高  
人。再三吩咐不許說出。爺到彼相見時。斷斷不是面生之  
人。此刻問他則甚。船家開船罷。丙應介末下生悶殺我也。  
副淨官人且喫酒。管他娘。生飲介這漱灑銀槎浮綠蟻。薦

極情况低回  
之致

怪喜二字新  
極

牙盤無非珍味。副淨小人想起來了。敢又是請官人去修

書的。生不差待我問他管家。末上爺要什麼。生你主人莫

非請我去修書的。末爺因修書。生出這件禍來。家爺儘知

的。豈肯效尤。况家爺也不大理會文字的。生噫噫噫。太稀

奇。小厮我和你敢是做夢麼。副淨明明白白。何嘗是夢。生

既不是夢。呵。爲甚的烟波一片迷離。末

前腔換頭。休疑不是我藏頭露尾。標新立異。家爺說要壓

奇。驚須怪喜。生你主人雖然別致。却也太奇了。末家爺原

是奇的查爺。也曾奇過來。靈心妙手。由來奇。内生奇。生管



此奴亦大滑  
稽

家。你的話。我一句也不解。末天下事以不解解之最妙。四  
海中藏兄與弟。何必解杜家詩謎。生管家倒說得好笑。我  
且問你。如今到何處去。末大江西峭帆張時來風送如飛。  
生一發奇了。我並無朋友在江西地方。末難道小人敢  
說謊作弄查爺不成。副淨他既不肯說自有緣故。且自  
由他。官人多飲幾杯酒便了。

黃鶯兒就裏不須提。事朦朧久便知。江山風月堪遊戲。生  
也罷。杯來自揮。詩成自題。虛舟隨處供吟醉。末水雲堆蒼  
茫無際。鷗鷺共忘機。同下

第十二齣

營巢

中淨上。驀地。罽纏萬買來。要于平地起樓臺。將軍大樹。營邊柳移向恩門。四面栽俺李萬奉家爺吳元帥密諭。攜帶萬金來到海寧。先將三千金送與查孺人日用。昨日交付蒼頭傳進去了。今早起來到各廠買定木石磚瓦各件材料。又喚取各色匠頭擇吉開工。建造園亭門第。不免到後堂稟見孺人。以便逐一辦理起來。下。旦上。

仙醉扶歸。飄然去墮虞人網。飄然來送陸生裝。爲甚的雁

迷離恁况描  
寫入微

帛慵裁字三行。單則把魚鰓裹寄金千兩。奴家自送官人

室情

疑得有因

去後兩月以來藥碗傳餐。泪痕洗面。昨日忽有一人自稱  
李萬來到我家。送銀三千兩。交付蒼頭傳進來。說道官人  
无妄之災。已蒙軍門釋放。在杭州得遇好友。暫向江西游  
覽匡廬之勝。先將此物送歸。以資家用。却又無片紙家書。  
好生奇恠。早難道刑餘肢臂帶微傷。因此遠求芝藥廬山  
上。

末院子引中淨上。這裡來。稟介。啟孺人。李萬要進來叩  
頭。旦。我正要問他。喚來相見。末。李哥過來。見了孺人中  
淨。李萬叩頭。官人叫小人代問孺人起居。萬福。旦。你是

迴映放鶴巧  
妙

一路問答甚  
緊妙在和盤  
脫出仍是水  
月空濛

誰人管家我官人爲何不肯回來快些說個分曉中淨  
孺人聽稟小人在杭州見官人呵

皂羅袍似瘦鶴垂翎形狀遇林逋放出遂爾翱翔那日撫

院親審一千人犯單把官人釋放出來旦住了你如何認

得官人中淨家爺是嶺南一箇富翁偶到西湖游玩向與

官人至交這一日恰好相遇旦你主人是何名姓中淨這

箇家爺叫做薛忠仁旦噫薛忠仁我從來不曾聽見官人

有這箇朋友中淨想來官人廣交孺人未必盡皆知道旦

後來呢中淨家爺是日正要上船遂拉官人同往江西比

時官人要寫家書。又說要修造房屋。家爺說不必躊躇。卽時取出這些銀兩。差小人先送來家。隨後就有家書寄到。官人呵他驚魂才脫虎牢旁。料離情難吐魚鱗上。旦家僮

就該隨你回來。才是中淨。那位小哥病在店中。是小人去背了他下船的。旦這些話我終有些難信。中淨若非家爺

與官人至交。豈肯將此資囊相贈。旦我家杭州頗有知交。難道竟無一人照料。中淨那日許多人向官人說話。小人都認得。只認得一箇花子。叫做鐵丐。旦背介。噫鐵丐。這是那會飲酒的花子。向來官人在杭州贈他行李去的。轉

不去之故

點明不漏

介這等說是真的了。中淨小人怎敢撒謊。且你如今幾時

回去。中淨小人向來明白工程事務。爲此家爺差來代官

人收拾花園房屋。大約將來家爺還要送官人回府來呢。

我且把風廊月榭。鈎連曲房。花谿柳塢。周迴草堂。倘然點

綴不佳處。還請孺人指示。須索把春光九十向園中釀。且

有勞了。中淨小人告退。院公你家園子從那邊進去。末

向這裏去。中淨待我來。出喚介各匠頭呢。襍扮各匠上

在這裏。中淨你們隨我到園中去。煩院公引一引。末當

得同下。且好奇。怪這箇薛忠仁畢竟是誰。咳。官人回來。



情至語

又將縹雲一

嬌

無聊之極思

便好園亭什麼要緊啲

尾聲煩你築一座望夫山待我將夫望喜得他黯慘雲開

肺石旁咳憂患雖除青春易盡歡娛有限白日奈何不免

將千金到吳中買些侍兒來教他歌舞供我夫妻排遣罷

好把那世外的年華仔細償

下

第十三齣 賞石

雜扮四將上淮陰三十冠通侯一飯千金豈足酬尙有

信陵君不死肯施恩惠到窮鳩俺等廣東各鎮總兵是

也奉提督軍門檄調來省齊集轅門待元帥陞座一同

進見下內鼓吹隊子引淨上

用成句諧叶  
神化如是非

老手不能

北黃鐘

醉花陰富貴應須致身早看鬚眉已非年少一且的

開幕府拜嫖姚儘人呼楊僕班超渾未見餓夫殍坐介俺

吳六奇勦撫羣蠻肅清嶺海蒙聖恩特授兩廣水陸提督

統轄軍民前者奏保海寧查先生幸蒙天恩釋放俺着牙

將邀他到來一申故舊之雅適接汎兵飛報來船已入府

境俺當率領部將郊迎十里方為恭敬四雜上各路總兵

官告進提台在上諸將稟參淨不勞常禮罷列位俺昔時

落魄曾受海寧查孝廉大恩今遣人迎來嶺表意欲屈列

千里龍迴

公同本帥郊迎道左未知可否雜此乃大人盛德高情好  
賢忘勢末將等願隨鞭鞚瞻仰文星淨如此分付起馬衆  
喊介看了這組練雪光搖猶記得六花中醉眠倒下雜搖  
船生引副淨上

南畫眉序身逐嶺雲飄若個無端做圈套小廝前面又是

廣州了我等行到何處方止副淨今早起來連張幹辦都

走了好生作怪生呀這是什麼意思甚白衣蒼狗變幻道

遙船家那張千呢雜他說進城買東西叫我在此十里亭

前泊船等他副淨官人你看這廣州風景大不相同木棉

排場好看

開萬樹珊瑚。離支綴千林瑪瑙。內鼓吹呵導。雜泊船介。生  
船家岸上頭踏。是什麼官員。雜是兩廣提台。水陸軍門大  
人。下生好威嚴。炫赫也。將軍鼓角從天下。雷轟處一聲銅  
砲。末奔上查爺請登岸。家爺親來迎接哩。生就是這位提  
台麼。末正是。生請問姓名。末一見就相認。不消問得。暗  
下淨引四將列隊長跪。生急上跪扶介。君侯請起。僕何  
人。斯敢勞如此隆禮。淨起執生手大笑介。查先生別來  
無恙。生呀。原來就是吳兄。副淨背吐舌介。咦。好體面。叫  
花子暗下。淨左右請查爺上馬。淨執鞭介。生君侯如此。

問答新編落  
卷

可不折煞培繼也。淨好說。各上馬鼓吹繞場到衙各下。

馬介淨先生請進。諸將迴避掩門。衆散下。淨捺生上坐。

跪膝前介。昔年賤丐非遇先生。何有今日。幸先生辱臨。

糜丐之身未足酬德。生掙起同拜介。君侯乃曠世英雄。

查生幸得納交疇昔。今叨遠迓足稔高懷。大丈夫雌伏。

雄飛。正自爾爾何必苦念前塵。轉令查生慚愧。淨安生。

上坐生移坐對面各坐介。淨先生說那里話來。

北喜遷鶯深感你恩同重造。大厥着孝廉船任乞丐吹簫。

招也波邀向孤山放俺飢鶴。生敢問君侯別後作何進止。

小結角酒放  
鶴二篇

淨其時嶺南賊焰薰天。朝廷遣經畧南征。俺在梅嶺相遇。  
挺身投謁。備陳勦撫之方。當蒙授職副將。領兵前部。俺以  
游劄三十道。招降各寨。又奮勇跨海。盡殺羣蠻。蒙恩陞授  
此職。生壯哉吳生。真丈夫也。淨幾年間。把血點霜痕。染戰  
袍。生銅柱勲名。功成唾手。俺好喜也。淨說甚麼銅柱標。都  
是你飯王孫。垂青餓殍。甫能殼決起蓬蒿。生昔見君侯飲  
啖。非常已爲心醉。後來湖上再領高談。益信異人。抱負。

南畫眉序。赤手握龍韜。自古風雲起屠釣。幸班荆。杵臼得  
訂窮交。只是一件小弟。以疑獄牽連。甫脫銀鐺。便叨行李。



兄在嶺南何以知我下落淨俺閱邸報見先生株連之案  
寢食俱廢那日先生却聘光景俺曾目擊豈容坐視爲此  
具疏飛奏並以全家十口相保幸天佑端人得以重瞻雅  
度生呀原來釜底游魂得甦殘喘皆出君侯所賜敢不肝  
腦塗地乎跪拜介淨不敢不敢生問因誰渡蟻編橋却是  
你開籠放鳥淨俺日夜思念先生爲此差人相接又恐風  
影招搖故爾令家將一路含糊幸勿見罪生則被你瞞煞  
查生也杯蛇弓影方明白纔見你兵機神巧外末家將上  
請上宴淨今日故人相見不用軍中歌舞承值叫家樂

伺候末領鈞旨。內奏樂淨命設上席旁席生辭再三。乃設席斜對淨把盞定席介淨請先生滿引一觴。

北出隊子和你把金樽頻倒。可記得鬥飛雲酒興高。牙兵輪獻餚饌介生過費了淨只不過健兒行。交逞粗豪把鹿尾羊控次第燒。抵多少渴飲花蠻血一瓢。末稟介家樂登場演的是五仙獻瑞扮仙人穿五色衣一少年四老人騎五色羊各持六出穀穗一枝上。

南滴溜子爲歲慶豐亨。人登壽考現嘉禾九穗結成香稻。我等五羊仙客是也。當今世運昇平人民安樂爲此將五

點染處滴滿  
歸源

生新出奇洗  
淨陳腐

色嘉穀。布滿人間。願飢饉永除。倉箱充裕。一般春祈秋報。  
但願人間長者多。街頭餓夫少。却不道種豆栽瓜。皆是自  
討。

下淨俺嶺南有。猺獠蠻歌倒也別致。若不嫌鄙俚。着他  
們演來。以博先生一笑。生問俗採風。藉資聞見。既有新  
聲。卽求相示。淨吩咐演劉三妹。末傳話介。旦仙裝上。郎  
種合歡花。儂種合歡菜。菜好爲郎餐。花好爲郎戴。小仙  
劉三妹。新興人也。生於唐時。年方十二。淹通經史。妙解  
音律。游戲得道。往來谿峒間。與諸蠻操土音。作歌唱和。

後來得遇白鶴秀才遂爲夫婦成仙而去今諸蠻跳月  
成親視我二人爲歌仙你看秀才乘鶴來也小生仙裝

乘鶴唱上

蠻歌思想妹蝴蝶思想也爲花蝴蝶思花不思草我思情

妹不思家

下鶴介三妹你看月淡風和和你聽蠻子們兒

女踏歌去携手行介旦唱妹相思不作風流到幾時只見

風吹花落地不見風吹花上枝

立高處介小旦頭頂橫一

箭以髮上纏垂下戴各花身穿長黑裙上畫白粉花水紋

胸背間垂鈴錢數串唱上誰說山高不種田誰說路遠不

偷蓮高山種田喫白米路遠偷蓮花正鮮俺曲江謠女今

日唱歌擇配你聽一箇哥哥唱得來也雜扮男謠首裏花

帕穿彩衣赤脚腰刀掛弩耳垂大銀環唱上娘在一峰也

無遠弟在一岸也無遙兩岸火烟相對出獨隔青龍水一

條相樓介女俺愛煞你也雜俺愛煞你也女唱妹同庚同

弟一年一月生同弟一年一個月大門同出路同行男唱

思娘猛行路思娘睡思娘行路思娘畱半路睡也思娘畱

半床負女下貼穿白布桶裙自腰拖地裙上畫五色花額

簪一髻上插大釵釵上挂銅環耳墜垂肩兩頰上畫五色

花卉手持花扁擔一條唱上妹金龍。日夜思想路難通。寄歌又沒親人送。寄書又怕人開封。俺黎女是也。雜袒胸赤足頭挽一髻上直豎雄雞毛一根橫插中骨簪兩邊插金

銀鈿身穿短衣及腰手持藤弓竹箭唱上妹嬌娥。憐兄一

箇莫憐多。勸娘莫學鯉魚子。那河又過別條河。相見笑介

貼唱妹相思。妹有真心弟也知。蜘蛛結網三江口。水推不

斷是真絲。雜唱妹珍珠。偷蓮在世要同居。妹有真心兄有

意。結成東海一雙魚。負貼下旦仙郎。你看他們一箇箇成

雙作對去也。小生便是。合唱蟲兒。蟻兒。都成配偶。各自風



情各自有。俊的俊來醜的醜。蠢蠢痴痴不丢手。怎如我兩個石人緊緊的樓。相抱下生耳目一新。可稱絕倒。淨移席到園中去。起立行下內。奏樂場設石山一座。荔枝二二三樹中設一席。淨生更衣上定席對坐。介淨左右將俺嶺南之酒。盡數取來待查爺品題。末外用長盤各列酒器數件。跪獻介末。這盤內是靈谿酒。羅浮春。萬戶酒。陽江香。龍潭清。百末酒。巖樹酒。荔支酒。倒捻酒。燒春酒。外這盤內是七香酒。甜娘酒。凍橘酒。冬白酒。春紅酒。琥珀酒。換骨酒。玉泉酒。百花酒。蘭生酒。共二十種。淨放下。外末

置酒案上介淨先生請一一嘗之生妙阿公眞酒家南  
董奈查生不勝杯勺何淨先生

北刮地風怎做得不飲從他酒價高抵多少戲解金貂渾

不借石尤風信畱仙棹待俺奉陪者連飲大杯介生兄飲

益豪矣暢哉淨俺本是雪裡芭蕉飲三蕉那便醅醕左右

向林中採鮮荔支來與查爺解酒外末取盤盛荔支送介

淨你看這玉肌膚絳紗籠着似藐姑神怯褪紅綃生竟體

芳甘色香雙絕眞覺枕席丹膏沐浴瓊液是好一盞清涼

仙醴也淨先生那不是三月青七夕紅蘋虬珠小趁風枝

露葉閒擺搖。甚將軍畱下柯條。

生起緩步見石介呀。異哉靈石也。

南滴滴金是誰人偷剪蓬萊島。似一朵飛雲停住了。君侯

此何石耶。淨此石乃英州所產。奚足爲異。生你看丹厓青

壁嵌空玲瓏。挺二丈之嶙峋。具三山之縹緲。說甚壺中九

華。硯北羣峯也。這浮嵐暖翠天然巧。只合具衣冠携米老。

將他拜倒。淨先生旣如此賞心。何不錫彼嘉名。畱爲佳話。

生使得淨。叫侍女們捧筆硯來。二旦艷粧捧筆硯上。筆硯

在此。生形同雲立。紋比波搖。名曰縹雲。可乎。淨好個縹雲。

逗下無痕

名字請先生寫向峯腰者。生把筆書介。若比丈人峯。年尙少。便是六甲五丁也。難得動搖。

淨這孽窠大字寫得委實奇妙也。

北水仙子。看看看看。逸勢飄。運運運。腕力千鈞。把山壓

倒。生向石撫摩不已介。淨拚拚拚。衫襟露漬。莓痕恨恨

恨恨。不把蒼苔先掃。是是是。真心向石交。不不不。不愧

你枕流人。就邱壑。侍女們再將酒來。二旦遞酒介。先生爲

縐雲浮此一白。生使得立飲介。淨恁恁恁。把平昔胸中

磊塊澆。只只只。只有這寒山一片。堪同調。可。可。可。可。待要

掩映生姿

再送下

挾泰岱把海門超。生醉介查生醉矣。二旦扶介。

南雙聲子茶煙裊。茶煙裊。將竹筵新除掃。玉山倒。玉山倒。

倩紅袖輕扶了。淨侍女們掌燈送查爺安寢去。又二婢執

紅燈上曉得生。四婢合蘭麝繞。蘭麝繞。銀燭照。銀燭照。把

還鄉客夢暫歇今宵。

擁生下淨大笑介。好一個倜儻查先生也。左右。明早分

付備下海船撥一千夫役。將此縐雲山子送到海寧查

府園中安置去。末領鈞旨淨。

北尾煞軍令行時動山嶽。認飛來峯影飄搖。把一座釀春

尊中人

卷

園粧砌好下

第十四齣 移雲

詩佳

丑老院子上。彩鳳離巢沒處尋。丹山桐葉改新陰。樓臺  
盡。挂仙人榜。直是荆軻一片心。自家查府蒼頭。我主人  
求全得毀。无妄生災。出坎既保餘生。還家竟無下落。最  
可怪者。數月前走來一個李萬。說家主從杭州遇赦。暫  
往嶺南。着他回來報知。却無家書半紙。且將三千金。送  
主母爲薪水之助。隨即僱覓工匠。把我家屋宇園亭。盡  
行改造齊整。說是主人托他料理。一切費用皆出其手。



令人難解。今乃完工之期。你看那李萬好生快活。走出

來了。副淨上。

仙呂入  
雙調

六么合雲斤月斧花裡書堂。竹外幽居經營現出

小方壺。千章木尺半魚。此中合讓仙人住。此中合讓仙人

住。查大叔各匠開發已完。一切陳設俱已妥貼了。丑真个

虧了你畢竟這些銀子是誰的。副淨查爺回來自然明

白問他則甚。外軍官押衆抬石山上走呀。

前腔。嵐飛翠舞。一塊蓬萊壓匾鰲魚。萬牛迴首力同輸。愚

公負始皇驅。有人夜半持山去。有人夜半持山去。此間是

了有人麼。丑是誰。外有個李萬哥在此麼。副淨出見介  
呀。原來是趙發哥。外奉爺鈞旨。送這一座石山來。到查  
爺花園安放。你的工程辦完了麼。副淨恰好今日完工。  
趙石匠未散。快抬進後園去。衆抬山下。丑二位哥。你們  
幹的甚麼勾當。快說與我明白。副淨各事已畢。今日告  
訴你罷。我們下午便一同回去了。丑好呀。坐了說。各坐。

介副淨家爺呵。

鎖南枝名鉄丐。身姓吳。雪中當日稱餓夫。蒙你主人呵。將  
醇酒醉胥渠。又把綈袍贈張祿。丑這事是有的。如今那鉄

丐呢副淨他立大功開幕府今在五羊城官拜八州督丑  
阿唷有這等事我主人呢副淨記得家爺在海船上觀  
看京報忽見查爺此案他就

前腔愁搔首痛切膚把冤情代陳含泪書其時一面飛奏  
入京一面遣人到杭州接取查爺前去并着我來餽送家  
費辦理工程這是報德鶴啣珠酬恩蟻穿獄丑呀你家老  
爺如此行事真是奇男子大丈夫笑韓侯不免輕漂母

副淨趙哥這石山又是如何來歷外那一日園中飲酒  
查爺心愛此石贊歎不已手寫糲雲二字于石上俺爺

見他如此歡喜就暗中叫我將此石海運到來

前腔馳千櫓走萬夫移山過海威力殊猛氣攝天吳蛟龍

共遮護副淨我造的園亭極其幽雅你進去看一看真个

園釀春如畫圖得你這石擎天似銅柱全下丑吊場笑介

笑煞哉一座二丈高石山被我家官人賞贊了幾句就

從海船上送來若是官人歡喜那一座梅嶺也抬了來

不成話靴話靴下

### 第十五齣 花交

場上挂交花北中粉蝶兒春透花間譜新聲教他鶯燕錦  
小榭匾旦上呂

此首乃小品  
中簡明文字

擗揄貼地鋪圓習歌容迴舞態驪珠成串排艷泊幾隊嬋  
娟到嬌香三層庭院

不惜黃金教歌舞拚將綠酒送年華鬼門關外雲陽市  
晚節能全有幾家自官人被禍出門倏忽改歲其間怪  
怪奇奇總非意想所到前日聽蒼頭細述吳將軍這些  
光景不可不記之歌頌畱爲千古佳話但奴家筆力纖  
弱不能作大手文章因將此事始末撰爲新曲數篇被  
之管絃間以舞節親教侍妾們習學待官人回來以爲  
侑觴之樂連日已曾教演多次不免喚他們出來再爲

省文

文至此幾竭  
矣乃能將通  
篇納入作一  
總結不但思  
深寔由力厚

指點一番女子們那裡扮人女四宮衣四舞衣全土舞  
衣雲摺疊歌扇月團圓孺人萬福日你們所習歌舞俱  
爛熟了麼衆雖然學會了但不知其中意義尙求孺人  
解說一遍且你且將歌譜擺列案上各司樂器者列坐  
介且這第一段是眠雪歌乃吳將軍流落之時行乞光  
景你試唱來衆吹彈合唱

南泣顏回人立朔風前頭上梨花千片寒威難動筋骸與  
鐵同堅銷金帳底電光身却笑英雄賤判軍符鵝鴨驚飛  
戲銀沙虎豹安眠

何術能免此  
笑



且歸韻收聲疾徐合度唱得好。這第二段是飛觴舞。乃官人畱他對飲的光景待我歌來。你們按節而舞。則個

兩女起舞照曲中情節轉旋介旦

北石榴花。你看他乍相逢。強立體如山。可怎生携手畫堂前。恰好獸爐春暖。酒如泉。高擎銀鑿落。滿泛玉觥船。不住的捲波濤。不住的捲波濤。似長空倒落天。河健胸懷萬頃。納糟邱。不見把一個俊郎君。把一個俊郎君。笑嘖嘖。將他勸。會合了酒龍詩虎兩神仙。

好舞得合拍。且坐了。這第三段放鶴歌。乃官人在孤山

再遇的情節須要唱得蕭疎慨慷才是衆合

南泣顏回換頭胎仙長唳上青天不比江湖鴻雁雲霄毛羽

贊人即贊鶴  
耶

替他盡力梳剪搏風翅舉向南溟定逐鯤鵬變乘白雲游  
戲仙都笑凡夫妄想腰纏

且這第四段跨海舞乃吳將軍血戰功名你們舞態更

須飄瞥奇妙也衆舞介日

北門鶴鵠亂騰騰海立雲垂亂騰騰海立雲垂鬧轟轟魚

龍曼衍豁拉拉岸坼山沉慘磕磕天旋地轉殺得他怪蟒

神蛟葬九淵則待向扶桑杪挂弓弦血纍纍幾串頭顱血

文亦海立雲  
垂山沉岸坼  
令人驚心動魄

纍纍幾串頭顱。纔得把鯨波盡偃。

妙阿。翩若驚鴻。矯若游龍。足令風雲變色矣。這第五段脫網歌。乃官人履險而亨。直覺可悲可喜也。你們慢慢

唱來。

衆

南撲燈蛾。哭啼啼。夫妻生別離。急攘攘。胥徒亂呵譴。黑賊

魃。鬼門關前去。渺茫茫。輪迴難轉。生捺捺。雞竿放赦。閃搖

搖。獄底出龍泉。軟咿咿。到梅花國裡。喜孜孜。與將軍重話

再生緣。

且掩泣介。這未段乃移山舞。是將軍送那縹雲山石來。

迅雷風烈之  
後又成苦雨  
淒風聲情兩  
絕

的光景索性演完了罷。衆舞介。且

北上小樓。總寫下移山券。便撐來駕海船。赤緊的雲去難

畱。雲渡難停。雲駐難遷。一層層雨潤烟。皴。一層層雨潤烟

皴。苔披蘚剝。霜鎔雪鍊。渾不異鐵中人面。

衆孺人。你看我們這一番歌舞。引得百花皆放了。且衆

美爭妍。羣芳競艷。這總是交花小榭中的本地風光也。

合

南尾聲分明羣玉峯頭見。是雲想衣裳。花蒂連。惟願這不

斷的。生香引他游棹轉下。

一筆挽住可  
云屈鉄之手

點題

挑下無痕

第十六齣

蝶聚

生上不跨仙人五色羊。囊珠匣錦壓歸裝。劉郎豈是秋風客。身帶梅花一片香。卑人查培繼逗畱嶺海一年消。受豪華萬種。無論文武官僚。摳衣擁彗者不可勝數。而軍事旁午中。得查生一言。無不立應。以此羔雁之投。綯紵之贈。行色十分壯麗。臨別時又以三千金餽贖。咳。英雄志量之不可測如此。令人慚愧。今日已到故鄉。分付小廝在船中結束。卑人急欲與娘子相見。只索獨行前去。

此時光景真  
樣迷離

越調過曲 小挑紅韋家花樹第三坊斜角對烏衣巷也認閱閱

桃符靠當時青粉一圍墻呀這巷中怎不見我家門選好

奇怪也又不是換滄桑疑介此宅明明是我家何以改換

門第如此宏壯爲甚的桂承楣杏交梁礎盤螭門雕像也

早難道鵲避鳩強待我選自走入去作行又止介不可孟

浪分明是古新豐翻不辨舊遼陽

丑蒼頭上誰在門外大驚小怪呀官人回來了生蒼頭

我們移居何處去了丑這原是我家想因改造了官人

故認不出生是幾時改造的丑官人請進去見了孺人



自然知道孺人快來。旦蒼頭爲甚喧嚷呀喜也。相見。官人千里征夫幸而無恙。生娘子百年老屋何故一新。坐介丑下。旦去年官人出門後有一李萬走來說是官人遣他回來改造屋宇。又將三千金送與奴家說是官人寄來家用的。生驚介一發奇了。旦

下山虎飭材鳩匠結構鋪張百事皆停當花園翠裝及至

臨去時節方才說出是那鐵丐吳將軍差來辦理的。生愕

然介。旦把就裏機關從頭細講。並知官人脫難也是他上

本保救的情願把匣內甘寧首代藏。生阿呀吳公公阿吳公

補序分明倪  
迂鈞勸

你好作用也。且難道他不曾告訴官人麼。生便是總教人  
難意想。總教人難忖量。似剝蕉心。繭層層嵌鑲。似蟻度珠  
胎九曲房。

丑上告官人。李萬去時。將百十箇蠶繭兒。放在樹林內。  
今日忽然都變作五色蝴蝶。在那裏飛舞。請同去園中  
一看。生這是羅浮仙蝶。雌雄不離。名曰小鳳凰。是別處  
沒有的。快與娘子去看來。

仙蝶前賦  
五般宜。他本是葛仙衣。麻姑繡裳。變做了採芳人。炎洲鳳  
凰。不比那孔雀有文章。行兩臥兩婦。隨夫唱。整一片春情。

受享旦如此說來願與官人竊比之矣儘紅酣翠餉和你偕老百花叢影依依同做做

暫下副淨挑行李笑上奇怪奇怪問了半日才知道這

原是我家丑上小奚回來了副淨阿叔督工辛苦了丑

你把行李挑進去我慢慢告訴你同下場上暗設石山

介生旦上生這園中布置比往日果不相同呀此石從

何而來旦完工之日有一軍官說此石乃官人所愛故

爾吳公令他駕海船運送到此生嘆介有這等事我自

醉中題寫縹雲二字後再至園中不見此石好生驚訝

不料竟爲我有也。

鐵石變存主  
寶千古

五韻美萬金裝。千金貺。全生救死酬既往。這玲瓏山骨。不  
過暫題賞。飛來秀爽。便移送園林安放。娘子。你看這千鈞  
重。百鍊剛。纔入眼。便欲賦停雲。令人悵惘。

扮兩大蝶引數十小蝶上舞四侍女執扇隨蝶同上天  
蝴蝶飛上來也。戲撲介合

仙蝶後賦

黑麻令。則羨他醉溫柔。紅鄉翠鄉。戀恩情形。雙影雙廝。趁  
着花翔絮。翔儘低回。杏雨梨雲。趕上他鶯狂燕狂。粉膩了。  
眉香翅香。息羽在芝房。荔房是飛來。四百峯頭。畱伴你梁。

風也怪他月  
也憐他蝶也  
憐他

鴻孟光

同撲蝶下生娘子家中爲何有許多女子旦官人個儻

風流奴家代置金釵十二教成歌舞與君消遣閒中歲

月生措大家焉能辦此旦此亦將軍所賜也丑洗塵酒

筵完備請到交花小榭中上席去衆侍女奏樂上迎生

旦並行介

尾聲壺殮得土羊羹喪看才子英雄跌宕請把這乞丐排

場細細的去想下

一喝三日聾  
矣

雪中人傳奇終